

百 科 小 叢 書

外 族 侵 略 中 國 史

傅 運 森 著

王 雲 五 主 編

商 務 印 書 館 發 行

書叢小科百

史國中略侵族外

江苏工业学院图书馆  
藏书章

編主五雲王

行發館書印務商

# 外族侵略中國史

## 目次

|     |             |    |
|-----|-------------|----|
| 第一章 | 本書之定義       | 一  |
| 古代編 |             |    |
| 第二章 | 三代之外族侵略     | 四  |
| 第三章 | 漢唐之外族侵略     | 一四 |
| 第四章 | 宋明之外族侵略     | 二八 |
| 近代編 |             |    |
| 第五章 | 西力東漸        | 四〇 |
| 第六章 | 清之定邊與俄英之覬覦  | 四八 |
| 第七章 | 鴉片戰爭及英法聯軍之役 | 五八 |

|     |       |    |
|-----|-------|----|
| 第八章 | 俄人之東略 | 七一 |
|-----|-------|----|

|     |             |    |
|-----|-------------|----|
| 第九章 | 南藩之喪失及西南之蹙地 | 八二 |
|-----|-------------|----|

|     |              |    |
|-----|--------------|----|
| 第十章 | 中日之戰及勢力範圍之競爭 | 九三 |
|-----|--------------|----|

|      |             |     |
|------|-------------|-----|
| 第十一章 | 傳教事業及八國聯軍之役 | 一〇三 |
|------|-------------|-----|

|      |         |     |
|------|---------|-----|
| 第十二章 | 列強之經濟侵略 | 一一四 |
|------|---------|-----|

## 民國編

|      |              |     |
|------|--------------|-----|
| 第十三章 | 列強之陰謀與侵略之進步上 | 一二〇 |
|------|--------------|-----|

|      |              |     |
|------|--------------|-----|
| 第十四章 | 列強之陰謀與侵略之進步下 | 一二三 |
|------|--------------|-----|

|      |              |     |
|------|--------------|-----|
| 第十五章 | 國民抵抗外族侵略之努力上 | 一四〇 |
|------|--------------|-----|

|      |              |     |
|------|--------------|-----|
| 第十六章 | 國民抵抗外族侵略之努力下 | 一五三 |
|------|--------------|-----|

|      |    |     |
|------|----|-----|
| 第十七章 | 結論 | 一六六 |
|------|----|-----|

# 外族侵略中國史

## 第一章 本書之定義

本書所云外族，當然指本國民族以外諸族而言；古之民族，大抵單純，惟其後，較優之民族，必有外族混合於其中，雖有自願加入者，然亦因彼此侵略而反成結合，於世界歷史上固數見之。結合既久，言語、風俗、血系，皆互相錯雜，而成一新民族，更同心協力以抵禦新來之外族焉。夫如是，歷史雖古，而民族常新，侵略者雖強，而抵抗之力亦愈勁，我中國民族史之狀況，亦不能外是矣。

民族之名辭，統言之，可概稱國內一切之人民。但析言之，則有民族 (nationalities)，有種族 (race)。種族者，一國之中語言風俗血系相同之族也；民族者，語言風俗血系，未必盡同，然同在一國之中，利害與共，所宜同心協力，以禦外侮者也。雖然，國內諸種族之中，必有基本之種族，為國家之

積幹，負國家興亡之責任。孫中山先生建國大綱，其述民族主義云：『民族主義，對於國內之弱小民族，當扶植之，使能自決自治。對於國外之侵略強權，當抵禦之。』夫負此扶植抵禦之義務者，非國內基本之種族莫之能屬矣。

中國基本之種族，古代謂之華夏。尚書云：『蠻夷猾夏』，左傳云：『戎不亂華』，蠻夷與戎，即古代之外族也，猾與亂，即侵略之謂也。經三代之抵禦而諸外族或滅亡，或被逐，或同化於華夏之族。秦漢之世，新外族又起，匈奴最強，侵略不已，卒爲漢所服，此華夏之族，所以又稱爲漢族，遂相沿至今焉。迨晉代而五胡佔據中原，殺戮不已，未幾分爲南北朝，漢族與鮮卑族對峙，南朝屢爲北朝所挫。隋唐統一之後，又征服突厥諸族，斯時五胡餘裔及突厥諸族，又多混合於漢族之中，而成新民族矣。至宋代而與契丹女真對立，爲所侵略，卒被滅於蒙古。明代爲漢族中興之世，然而韃靼擾於內，倭人擾於外，迨滿洲叛而明遂亡矣。且當明之中葉，西力已駸駸東漸，至清代而俄據西伯利亞，英據印度，皆與中國抗衡。及鴉片一戰，而種種不平等條約以起，所以侵略中國者，非僅礮艇政策已也。有經濟侵略焉，有文化侵略焉，有經濟侵略，而我民族之衣食住，咸將仰鼻息於外人；有文化侵略，而青年遂不惜

自棄其國粹。故今日外族之侵略，實非往昔外族之比，我民族可不惕然自警乎。

況共和肇建以來，漢滿蒙回藏，合爲一家，弱小民族，尤爲外族所欲奪。則扶植而引導之，爲之抵禦外侮，使毋受外族之誘惑與壓迫，更爲漢族應負之責任矣。

今歷述自古迄今外族侵略之概要，分爲三編，一、古代編，二、近代編，三、民國編。於第二第三兩篇記載較詳，用資觀鑑焉。

## 古代編

### 第二章 三代之外族侵略

三代之外族，概謂之曰蠻、夷、狄。此因其所居在漢族之四方而名之，故亦謂之曰東夷、西戎、南蠻、北狄；而漢族居於中原，故稱中華焉。然南蠻北狄，其名稱與居處，較爲固定；夷與戎不然，故夷又有西夷、南夷，戎又有北戎。是可知蠻夷戎狄之名，不過泛指漢族以外之民族，而非其自稱也。在中國有史之初，已有外族侵略之事蹟，其時居於中國南方者曰赤帝，亦曰炎帝；居於中國北方者曰黃帝。而外族之酋長曰蚩尤者，爲九黎之君，亦曰三苗。三苗據長江流域，在洞庭彭蠡之間；已能鑄銅爲兵器，作刀戟大弩，進侵赤帝，赤帝被逐，北至涿鹿之阿，求援於黃帝，黃帝乃攻蚩尤而殺之。又北平獯鬻，獯鬻乃北狄也。黃帝於是統一中國焉。今我漢族，皆赤帝黃帝之後，號爲炎黃後裔，當時之功烈，實由抵

禦外族之侵略而成也。然而三苗猶負其險固，不肯服從。至虞舜之世，放三苗於三危，後爲西羌（見後漢書西羌傳）爲西戎之一族，中國自是乃安。

三代者，夏、商、周也。夏承虞舜之後，時三苗之族，已安居於三危（尚書禹貢：『三危既宅，三苗不弑』）。而東夷之侵略復起，有夷羿者，恃其善射，逐夏后氏而有其國，至夏少康時，始得恢復焉。然終夏之世，東方之九夷，叛服不常。商湯代夏而興，首服西戎。故詩商頌云：『昔有成湯，自彼氏羌，莫敢不來享，莫敢不來王，曰商是常』。及商之衰，諸夷皆叛，商高宗武丁，征西羌鬼方，三年乃克。（見易經及後漢書西羌傳。按後漢書謂三苗姜姓，卽西羌，此說是也。易既濟『高宗伐鬼方，三年克之』。鬼方卽玁狁，又稱犬戎，乃北狄也，似不可與成湯伐氏羌混而爲一，詳見後。）昔夏桀之亂，畎夷（卽犬戎）入居邠岐之間，成湯旣興，伐而攘之。（見西羌傳，當仍誤氏羌爲犬戎）。武丁五傳至武乙時，犬戎寇邊。（亦見西羌傳）可知鬼方仍猖獗也。

周之先太王，居於邠，時當武丁之先世，太王亦爲狄人所侵，此狄人蓋卽鬼方，一曰犬戎者也。太王事之以皮幣，事之以犬馬，事之以珠玉，皆不得免焉。太王曰：『狄人之所欲者，吾土地也』。乃去邠，

避岐下。及子季歷，遂伐西落鬼戎（疑卽鬼方），俘二十翟（與狄同）王。（竹書紀年，以下同）。後伐燕京之戎，戎人大敗周師。後又伐余無之戎，始呼之戎，翳徒之戎，皆克之。及文王爲西伯，而西有昆夷之患，北有獫狁之難。昆夷卽犬戎也，亦作混夷。獫狁卽獯鬻也，亦作玁狁。孟子曰：『惟仁者爲能以大事小，故文王事昆夷；惟智者爲能以小事大，故太王事獯鬻。』近人王國維謂吠夷、獫狁、鬼方，實一族而異名，其說甚是。蓋此爲古代最強大之外族，蔓延於漢族之北以至西方，就其在北者而謂之獯鬻，獫狁，謂之狄；就其在西者而謂之吠夷、犬戎、鬼方。對於漢族，肆其侵略，猶三苗之於太古時焉。太王文王事之，蓋審己量力，非巽懦可比也。詩大雅緜之篇曰：『混夷駟（音隊）矣，維其喙（音諱）矣。』朱熹注云：『太王至岐之後，生齒漸繁，歸附日衆，混夷畏之而奔突竄伏，維其喙息而已，言德盛而混夷自服也，蓋已爲文王之時矣。』可以知太王文王，雖歷世事強大之外族，終能克服之也。

其後武王代商，商紂子武庚，誘淮夷徐夷作亂，爲周公所平。數世之後，而外族侵凌之禍復起。楚起於南蠻，勢漸強，昭王南征，溺於漢水，不復返。其子穆王時，徐夷僭號稱王，率九夷以伐宗周，西至河上。穆王告楚，令伐徐，遂逐徐王。於是楚益盛，稱雄江漢間蠻夷之地，楚子熊渠自稱王，並立其三子皆

爲王。周室遂衰，詩人作刺，迨厲王無道，怨刺之什益多。詩序云：『湛露廢則萬國離矣，彤弓廢則諸夏衰矣，小雅盡廢，則四夷交侵，中國微矣。』蓋湛露彤弓，諸詩皆周室盛時，記其與諸侯和協之美事，故能制御外族。若國內不能團結，而欲外族之不來侵略，豈可得哉。幸而宣王立，周室復興，於是有六月之詩，美宣王之北伐玁狁也。采芣之詩，美宣王之南征蠻荆也。江漢之詩，美宣王之東征淮夷也。然其時之玁狁，勢最猖獗，六月之詩云：『玁狁孔熾，我是用急。』又云：『玁狁匪茹，整居焦穫，侵鎬及方，至於涇陽。』時宗周都鎬，以涇、渭、洛三川爲王畿，玁狁之侵略，實已深入宗周，而涇、渭皆其縱橫之區矣。宣王薄伐玁狁，至於太原，以紓王都之急。乃二十七年，伐太原戎，不克。後五年，伐條戎，奔戎，敗績。（均見竹書紀年）。三十九年，伐姜戎，敗於千畝。（見史記周本紀，按此或卽伐太原戎事）。自西征挫而戎狄之勢又熾矣。

迨幽王繼位，命伯士伐六濟之戎，軍敗，伯士死焉。（竹書紀年）。其時四夷交侵，幽王乃爲烽火山上及大鼓，有寇至則舉烽鳴鼓，召諸侯來援。寇難不已，烽火數舉，諸侯之師疲於奔命，皆怠，後無復至者，亦因戎狄勢強，勢不能敵也。於是幽王遂爲犬戎及西夷（姜戎）等，殺之於驪山下，西周遂亡。

（舊說幽王寵褒姒，以烽火戲諸侯，恐非事實。）自幽王之難，宗周殄滅，宮室摧毀，典章文物蕩然無存，畿內諸侯之邦亦皆絕滅。試以詩證之：詩王風黍離曰：『彼黍離離，彼稷之苗，行邁靡靡，中心搖搖……悠悠蒼天，此何人哉。』詩序：『黍離，閔宗周也，周大夫行役，至於宗周，過故宗廟宮室，盡爲禾黍，閔周室之顛覆，彷徨不忍去，而作是詩也。』又丘中有麻云：『丘中有麻，彼留子嗟……將其來施施。』又『丘中有麥，彼留子國……將其來食。』留蓋畿內諸侯之國名，亦隨宗周而亡，化爲麻麥之丘，其君亦不知所往，故嗟嘆而猶冀其復來也。（不用舊解。）

周室東遷，宗周故地，遂爲秦有。自是以後，遂爲春秋之世，犬戎之名，不復見於記載，蓋爲秦所服矣。然春秋之赤狄白狄，實其族類。此外又有山戎，乃貉之一種。日本白鳥庫吉曰：『春秋時代之戎，爲西藏種；狄爲蒙古種；貉爲通古斯種。狄有赤白二種，以今之山西省爲中心，散在於東之河北省西部，西之陝西省、東北部。邽冀狄，獯之戎，及義渠，皆戎也。邽冀狄，爲後世之氐羌（其實商頤已有此名），皆西藏族，其公同點，爲披髮左衽，爲火葬，爲山谷之民。貉與貉同類。（按貉卽貉，白鳥說誤。）乃春秋時代或以前，土著於北平以北及遼東遼西之居民也。山戎乃山間之貉之一種，乃由連巨燕之北方

『山地而南下之民族也』。

以上春秋時諸戎狄及東夷南蠻各肆其侵略，而與霸者競爭。齊桓公、晉文公，即以尊周室攘夷狄而稱霸者也。茲分述之於下：

一、東夷：今朝鮮東三省及河北、山東、江、浙、閩、粵沿海之地，皆三代時東夷所居，族類頗盛，故有九夷之稱。其在東三省朝鮮者，周初肅慎來貢，武王封箕子於朝鮮，未聞寇略之事。而在黃海沿岸之夷，則寇略頻聞。齊太公封齊，萊夷與之爭國。周公子伯禽封魯，淮夷徐戎（即徐夷）爲魯所平。然其後徐夷卒稱王，迄春秋時未改。（見禮記檀弓徐君使弔邾婁考公之喪）。自是齊魯世禦東夷，史不絕書。孔子作春秋，內諸夏而外夷狄，不與夷狄之入主中國，故褒桓文而黜荆（即楚）吳（其例均見公羊傳），惡其無禮義而惟事侵略也。諸夏有降同夷狄者亦貶絕之，故杞夏後也，用夷禮則黜其爵號（見左傳）。雖然，當時之同化於夷狄者，蓋不止一杞國矣。桓文歿而齊晉之霸業衰，楚勢復盛（見下）。迨春秋之季，吳越又相繼起，其國君皆稱王，吳王爲周太王長子泰伯後，越王爲夏少康後，然其國民皆斷髮文身之夷也。吳王伐楚伐齊，與晉爭霸。旣而越滅吳，又爭霸於中原焉。

二、南蠻：

南蠻者，居河南南部，及兩湖、贛、皖一帶，三代時荆揚二州之地，故有蠻荆（見詩經）蠻揚（見逸周書）之稱。族類亦衆，而楚爲其代表。楚於西周時已稱王，迨周室東遷，楚勢力益擴張，漢水以北周室同姓之諸侯，概爲楚所滅。齊桓公會諸侯之師伐楚，楚人不屈，受盟而還。楚人旋又滅黃國，齊不能救。桓公卒，楚與宋爭霸，伐宋執其君。及晉文公興，大敗楚師於城濮，雖暫遏其侵略之勢，然晉楚從此戰爭不已。至楚莊王遂觀兵周疆，問九鼎之大小輕重，欲代周而爲共主矣。故春秋之世，始終皆以防楚之侵略爲亟亟也。

三、北狄：

春秋之世，狄禍亦亟。齊桓公時，狄人滅邢，又滅衛，殺其君而取其肝。桓公救之，復立二國，霸業之興由此。然狄之侵伐及滅國，春秋仍不絕書也。至晉文公時，狄人寇周，逐周王，文公救之，遂爲霸者。後世晉屢與狄戰，赤狄白狄諸國，滅亡相踵，始漸不競焉。其尤異者爲長狄，相傳爲夏代防風氏之後。（防風氏守封禺之山，見國語及史記孔子世家，封禺在今浙江武康），殆東夷而非北狄也。其身極長大，春秋時，長狄數人，蹂躪宋、齊、魯、晉、衛諸國，諸國率師攻而殺之，其種遂絕。

四、西戎：

周室東遷，戎逼諸夏，自隴山以東，及乎伊洛，往往有戎。於是渭首有狄、獠、邽、冀之戎，涇

北有義渠之戎，洛川有大荔之戎，渭南有驪戎，伊洛間有楊拒、泉臯之戎，潁首以西，有蠻氏之戎。當春秋時，秦武公取邽冀之戎。後十餘歲，晉滅驪戎。是時伊洛戎強，東侵曹魯。後十九年，遂入王城。於是秦晉伐戎以救周。後二年，又寇京師。齊桓公徵諸侯戍周。後九年，陸渾戎自瓜州遷於伊川。允姓戎遷於渭汭，東及轅轅。在河南山北（荆山之北）者，號曰陰戎。陰戎之種遂以滋廣。（以上見後漢書 西羌傳，惟秦武公伐戎，據史記 秦本紀。）自秦人得西周之地，與西戎競爭益烈。秦穆公伐戎王，益國十二，開地千里，遂霸西戎（見史記 秦本紀）。而楚、晉亦強盛，威服諸戎。陸渾伊洛陰戎事晉，蠻氏從楚，後多滅亡。大荔亦爲秦所滅，惟義渠至戰國之季始亡於秦焉。東北之山戎，亦曰北戎，春秋時侵燕，爲齊桓公所伐，亦亡於戰國時。

蠻夷戎狄侵凌中國，至春秋之季，而諸種落漸衰。然戎狄猶有強大者，立國進侵如故。迨戰國七雄（韓、趙、魏、齊、楚、燕、秦）起，雖自相攻伐，然武力亦較盛於春秋時，其中趙、魏、燕、秦四國，皆與戎狄爲鄰，戎狄大都爲所驅逐。因之拓地益遠。茲分述如下：

一、趙：襄子以戰國初年滅代，殺代王。又得林胡之地。其後武靈王改胡服騎射，是時趙東有東

胡，西有林胡樓煩，而中山處其腹心，武靈王滅中山，服林胡樓煩。（以上據史記趙世家）。而匈奴強，屢入寇，趙將李牧時，大破匈奴兵，殺十餘萬騎，滅殄檻，破東胡，降林胡，單于奔走，後十餘歲匈奴不敢近趙邊城。（以上據史記李牧傳）。

二、魏：與中山及翟（狄）爲鄰，魏文侯嘗取中山，武侯時，翟敗魏師。（史記六國表）。

三、燕：燕與胡貉爲鄰，燕將秦開破東胡，東胡卻千餘里。（史記匈奴傳）。

四、秦：秦與義渠諸戎爲鄰，惠文王縣義渠，其後韓、趙、魏、燕、齊，帥匈奴共攻秦，秦敗之。至昭王時，遂滅義渠。（據史記秦本紀及匈奴傳）。

此外秦滅蜀、楚，滅越，服屬百越，拓地至滇池、蠻夷、戎狄，在中國者，大抵或衰或亡，或同化，不能復肆其侵略。惟匈奴愈強盛，秦始皇使蒙恬將十萬之衆北擊胡，悉收河南地（今河套）。方戰國時，欲禦東胡匈奴之侵略，乃築長城。其先魏築長城，自鄭濱洛以北，有上郡。史記秦本紀正義云：『魏西界與秦相接，南自華州鄭縣（在今陝西華縣北），西北過渭水，濱洛水東岸，向北有上郡鄜州（今陝西鄜縣）之地，皆築長城，以界秦境，洛卽漆沮水（在陝西邠縣）也。』按正義所說未盡當。史記記

此事在秦孝公時，且言『諸侯力爭相併，秦僻在雍州，不與中國諸侯之會盟，夷翟遇之』。秦是時尚未強，魏何爲專畏之而築長城耶。蓋當時渭洛以北，尙爲戎狄所居，魏厭其騷擾無已，故特築此耳。（魏有河西上郡以與戎界邊，見史記匈奴傳，酈本白翟地，見地誌）。旣以夷翟遇秦，則並以防秦，亦未嘗不可，但非專爲秦設耳。然魏之長城，尙在中原之地，其趙燕秦所築，乃益遠。趙武靈王北破林胡樓煩，築長城，自代並陰山，下至高闕爲塞。（卽今由山西代縣至綏遠之五原包頭一帶）。燕逐東胡，亦築長城，自造陽（今察哈爾懷來縣）至襄平（今遼寧遼陽縣）。而秦始皇使蒙恬築長城，起臨洮（今甘肅岷縣）至遼東，萬餘里。（以上皆據史記秦本紀及匈奴傳）。凡此諸長城，與其謂之侵略外族，無寧謂爲防禦外族而築者，卽燕趙秦拓地之廣遠，亦不過欲驅逐外族，務使其投於絕遠之地，不復能爲寇耳。此皆消極之舉動，故始皇歿，而長城以南之河南地，仍爲匈奴所據，復肆其侵略也。